

泰和縣志卷四十

吉安府泰和縣知縣潼關楊訥重輯

藝文志

詩

七言古

秧馬歌

蘇軾

過廬陵見宣德郎曾君安止出所作禾譜文既溫雅事亦詳實惜其有所缺不譜農器也予昔遊武昌見農夫皆騎秧馬以榆棗為腹以楸桐為背如

泰和縣志

卷四十

藝文

詩

一

小舟昂其首尾背如覆瓦以便兩髀較之偃僕而作者勞逸相半矣乃作歌以遺曾君附禾譜之末春雲濛濛雨淒淒春秧欲老翠劍齊嗟我婦女行水泥朝分一壠暮千畦腰如篋篋首豚雞筋煩骨殆聲酸嘶我有桐馬手自提頭尻軒昂腹脇低背如覆瓦去角圭以我兩足為四蹄聳涌滑汰如鳧鷖纖纖束藁一可齎何用繁纓與月題竭從畦東走畦西山城欲閉聞鼓聲忽作的盧躍檀溪歸來挂壁從高栖了無芻秣饑不啼少壯騎汝逮老鰲何曾蹶軼防顛躋錦韉公子朝金閨笑我一生塌半犁不知自有禾馱馱

上權郡孫承議

黃庭堅

公家簿領如雞棲私家田園無置錐真成忍罵加飡飯不
如江西之水可樂饑它人勤拙猶相補身無功狀堪上府
公誠遣騎東縛歸長隨白鷗卧煙雨

長句謝陳適用惠送吳南雄所贈紙 黃庭堅

廬陵政事無全牛恐是漢時陳太邱書記姓名不肯學得
紙無異夏得裘琢詩包紙送贈我自妝明月非暗投詩句
縱橫剪宮錦惜無阿買書銀鈎蠻溪切藤卷盈百側釐羞
滑頭羞白想當鳴杵砧面平枕榔葉風溪水碧千里鷄毛
意不輕瘴衣腥臙北歸客君侯謙虛不自供胡不贈世文
章伯一涔之水容牛蹄識字有數我自知小時雙鈎學楷
法至今兒子憎家雞雖然嘉惠敢虛辱煮泥續尾成大軸
泰和縣志 卷四十 藝文 詩 二

上大蒙籠

黃庭堅

寫心與君心莫傳平生落魄不問天樽前花底幸好戲為
君絕筆謝風煙已無商頌倚那手請續南華內外篇

黃霧冥冥小石門苔衣草路無人迹苦竹參天大石門虎
迹兔蹊聊倚息陰風搜林山鬼嘯千丈寒藤繞崩石清風
源裏有人家牛羊在山亦桑麻向來陸梁嫚官府試呼使
前問其故衣冠漢儀民父子吏曹擾之至如此窮鄉有米
無食鹽今日有田無米食但願官清不愛錢長養兒孫聽
驅使

蟠龍山詩

羅 啟

蟠龍山名何所因為言山作蟠龍形欲尋地志質諸古適

遇野老傳於今偉哉造化巧經始斲以斧鑿初無痕四傍
坦夷渺原隰一徑窈窕森松筠回旋屈曲隱頭角蒼鬱葱
翠含精神若蹲若踞翫清隱不起不蟄司芳辰遙空水面
素澄澈縈若珠顆尤鮮明政當領下不易奪况復鱗逆誰
敢撻我疑此龍蟠亦久一日得志當求伸轟雷掣電掀碧
漢驤首曳尾凌青雲會從古穴起靈霓用作霖雨蘇蒼生
豈惟厚澤沛寰宇兼有餘潤清邊塵乃知神物終變化肯
容蚺肆甘沉淪嗟予避寇偶居此坐見牙璋爭起兵張皇
旗幟亘遠道考擊鐘鼓辭嚴城共期元惡心膽破不待迎
敵神魂驚何知鼠輩怙同惡相與蠶食徒經旬傾囊竭篋
極侈欲戢戈橐矢尋歸程遂令強賊愈猖獗絕流肆毒屈
秦和縣志

卷四十一

藝文詩

三

玉山

劉敏求

琉璃宮闕在何處玉洞年年鎖煙霧古人遺跡杳難尋只
有青山色如故青山岑嶽摩斗魁丹井星壇疊翠苔玉龍
經歲睡初起但覺噫笑生風雷昔日真人何澹泊蟬蛻人
間軒冕樂忽乘風馭今幾年至今不見雙飛鶴我辭塵網
到仙家馬蹏破雲歸路賒何時功名勒鐘鼎來伴羽衣餐
紫霞

次韻附

李玉璧

東遊喜得最勝處松竹陰森隱雲霧不有宮碑紀年月世

人那得知其故秦和諸山此為魁仙遺跡多荒苔石泉
六月洒晴雪陰洞有時鳴風雷仙馭當年此飄泊釣魚讀
書有真樂大郎坐化膺王封阿叔飛昇跨仙鶴倦來還過
山僧家地位清高煙景賒滾泉地上坐望久何須煮石傾
流霞

三顧山

劉敏求

三峰磊落排煙霧昔日幽棲有盧度簡編千古著清芬魚
以名呼鹿麈去後人妄議指子儀洗馬名池傳者誤好與
高禪對立祠庶使後人知有據

次韻附

李玉壁

萬壑松風收宿霧茲遊風景勝前度清節百年臺尚存白
秦和縣志 卷四十一 藝文 詩 四
雲半間僧已去講道惟於此處宜慕仙恐被癡人誤盧度
神術空有名汾陽遺跡本無據

大唐山

劉敏求

紛紛官道行如蟻不驚虛名即浮利路傍人指箇山中萬
瓦鱗鱗隱禪子我慚衣袂困風埃每見青山心輒喜暫求
楮帳曲肱眠且縱溪聲洗雙耳

武山

劉敏求

武山高兮高嵯峨仰視星斗勢欲摩輪蹄多見走名利誰
暇躡躑躅捫煙蘿我來一一訪靈跡陶皮石室留山阿當年
丹井深幾許不復再見生微波山童為我擊石鼓却怪絕
頂生鳴鼉山前焦枯待霖雨靈鼉一出知滂沱嗟予愧無

蘇旱手山靈應怪空吟哦石傍洗硯染銀筆不如且賦采
芝歌

送羅與敬歸西昌

劉朱之

石龍磯畔多芳草遊子憶家春已老水北楊花撲地飛旁
人謾道飛花好愛子不忍別送子到水濱青天孤影飛黃
鵠落日長風吹斷雲朝發銅塘津暮宿青泥渡帆過孝通
祠漸是西昌路金魚洲遠樹青青三顧浮烟生杳冥石扶
壞道通高閣水齧危沙見古城君家正在何方住獨有園
廬俯江渚昨夜深閨夢遠人相思定倚櫻桃樹

題秋江待渡圖為蕭學士賦

劉崧

小航衝風岸將及行人下馬沙頭立水濶雲深野渡聞天
泰和縣志

卷四十一

藝文

詩

五

寒日暮歸心急人生行役安可休到江路盡還通舟誰能
裏足山中老不識風波一日愁

題溪山春曉圖寄贈蕭紳

劉崧

土山戴石石角傾偃樹雜出如幢旌青天微茫曉色動兩
氣合沓千峰晴野橋西邊有村路之子鳴鞘踏雲去重巖
花發似聞香隔水鶯啼不知處東南連年飛戰塵如此山
水何清新石田到處長荆棘豈有耒耜春耕人我昨西遊
登武姥手扶雲霞望仙府把酒忽逢東海生醉卧溪南紫
蘿雨紫蘿陰陰覆巖扉十日尋幽行未歸雲峰流泉半空
落六月飛雪霑人衣拂衣歸隱知何日却對畫圖心若失
不聞流水渡溪還時見浮雲向山出懷哉桃花修竹林江

梅秋高烟霧深豈無耕釣在田野誰識悠悠沮溺心

寄曾郁文短歌

劉崧

澄江水向東流流向西昌江上頭我有故人在江上十年
不見增煩憂白沙水聲寒活活黃巖雲氣凝清秋豈無沙
棠榭吳女謳可載酒同遨遊狂風吹山波浪惡使我不
回輕舟翩翩雲中雙飛燕銜書寄我頻留戀書中展轉道
深情但恨相思不相見春燕飛來不復歸報書不遣壯心
違碧蘭紫蕙何由采即恐蕭條霜露稀

題曾郁文所藏山水小景

劉崧

隔溪望見林間屋沙澗陰陰俯羣木溪流合處一橋孤春
雨來時萬山綠江南北景真可憐米家筆意誰能傳却憶
泰和縣志

卷四十

藝文詩

六

故廬珠浦上短籬長繫釣魚船

風俗

劉崧

鄉民信鬼不信藥東鄰刺豕西鄰禱捐金買紙作冥錢疊
束整齊巧鏡鑿圓如榆莢薄且輕簌簌不作金銅聲蔡倫
以前未製造病者必死應無生人生奔波冒寒暑爾自有
病鬼何與主人邀巫強乞靈昵昵致祠撒神糈席茅藉草
堆紙錢爝火一烈紅滿天四鄰高賀得神福滅燭高臺攘
酒肉

大寧寺

王沂

平日愛山被山誤茲遊况值青春暮花滿凌空宴客樓草
迷前日尋仙路月下呼龍霧雨扉雲中奏樂天風度諸賢

竟夕思飄飄秀句多因有神助

壬寅紀異同劉以和賦

王沂

壬寅仲春天雨雹南屏城中盡驚愕初從屋瓦亂崩騰散
入階除更跳躍兒童不識挽衣盛兩兩相看恣相謔老年
閱歷憂患餘却顧兒童淚雙落春秋咎徵不一書茲事班
班宛如昨自從兵變十年來頽洞風塵巨沙漠奮當車轍
小物為天理何嘗宥元惡竊聞李郭收兩京元氣依然萃
光岳旄頭夜夜燦中天風虎雲龍聖人作嗚呼風虎雲龍
聖人作吾徒勿憂在溝壑

牧童謠

周是修

遠牧牛朝出東溪溪上頭溪頭草短牛不住直過水南芳

秦和縣志

卷四十一

藝文

詩

七

草洲脫衣渡水隨牛去黃蘆颼颼風和雨老鴉亂啼野羊
走絕谷無人驚四顧寒藤枯木暮山蒼同伴相呼歸又忙
石稜割脚茅割耳身上無有乾衣裳却思昨日西邊好曠
坂平原盡豐草短蓑一卧午風輕長笛三吹夕陽早

武山

周是修

武山山勢凌雲雄當南突出虎鼻峰峰頭直上九千丈翠
光倒削玉芙蓉飛湍瀑流掛絕壁松檜龍鱗柯鐵屈就中
樓閣開窅冥風霆白晝驚霹靂紫虛真人華蓋仙朱顏綠
髮不笑言手持天關踏地軸服餌元牝畊丹田琪花瑶草
時堪把紅塵誰是長年者猿鶴如能問道心雲在山上水
山下

者無由甦嗟哉鍾文不可得死去當隨巡遠居傷哉其妻
亦莫及列傳所載皆相逾借令國史一遺落此人此死真
何辜一為鍾文歌只且奸諛比比穢青史可滅鍾文夫婦
歟

灘江隱者短歌行

周是修

美人家住灘江千石泉夏五生清寒楊柳千條堪繫馬筠
管萬箇待棲鸞繫馬陰陰裏疊嶂迴巒望中起何似王維
住輞川更勝陶潛歸栗里方今天子思隆平絲綸屢下收
羣英君胡不隨時變化肯把長材甘賤貧賤貧亦可甘富
貴亦可為丈夫不用則已矣一用當為天下奇伊尹躬耕
太公釣商周之業非輕小即從苦旱化甘霖四海蒼生都
泰和縣志 卷四十 藝文 詩 九
濟了賢豪舒卷豈尋常吾亦拂衣可同調

短歌行寄宗元蕭文學

周是修

憶昔北尋馬子洞二月風雨三冬寒乘舟濟川浪洶洶驅
車遵陸泥盤盤挹君豪名振河海走過山陰識君面燕頤
虬髯熊豹姿當時令我喜欲旋吁嗟交道無早晚諧合斯
須傾肺膽翟公何署死生情阮籍徒為青白眼金樽有酒
池有魚魚肥可膾酒可斟張燈促宴諧終夜紅爐照室光
相射中有萬斛江南春綺裘瑤席香薰人風流文彩稀今
古下筆雄詞躍蛟虎千金難買一朝閑况是賢材兩賓主
石林月黑子規啼我已醉眠無所知夢覺雞鳴滿庭樹起
望鄉國生離思別來怱怱歲籥改歌樓舞榭移光彩夕陽

芳草落花時獨立平原悶如海悶如海長思君何時重與
細論文古來聚散有如此還望青山歌白雲

禾川歌送郭愉

周是修

禾川之水流東海浩浩蕩蕩千萬載英雄眼底今安在衰
草連天古城壞昔日樓臺歌舞園今朝牧馬成荒塞廢興
如此不足論空使愁人容髮改君今別我歸禾川禾川之
水應依然銀屏石下買春酒畫角洲頭移晚船高堂侍養
有慈母慎勿蹉跎事羈旅江山遥遥道路阻可以何時復
相遇禾川歌送君去嗚呼別君泪如雨

輓康節婦陳氏歌

尹昌隆

康氏母生命何孤年逾二十夫遽殂堂上老姑髮種種禿
泰和縣志

卷四十

藝文

詩

十

中嬰兒泣呱呱幾度深閨腸欲絕琅琅洒淚崩城血不羨
桃李搖春風寧將機杼鳴秋月玉質能全亂後身辛勤教
子真且淳子既承家身亦老何慚泉下見良人人生萬事
竟何有惟有芳名垂不朽高門翼翼凌通衢路上行人總
回首

昨見伐木謠詞甚愴意甚真深足以見一時之事俗

故賡之

蕭儀

永樂四年秋起夫只今三載將何如無貧無富總趨役三
丁兩丁皆走塗山田雖荒尚供賦倉無餘粟機無布前月
山中去未回縣檄倉忙更催去去年拖木入閩關後平山
裏天正寒夫丁已隨瘴毒歿存者始惜形神單稚子多孤

母多老幾度臨門歸望早火伴還家始報音遺骸已潤荒
山草官家役簿未除名孤兒嫠婦仍登程去年丁壯已殞
歿今年孤弱知無生君門如天多隔阻聖主那知萬民苦
但聞木數已將完王事雖勞莫懷土

西昌驛

蕭執

龍門道場西昌驛萬室鱗鱗照晴碧驛前野草如人長不
聞馬嘶空斷腸十年喪亂遍南紀月窟權奇淪萬里祇今
官府重興臺誰復置郵能致此古道迢迢春復秋北有螺
浦南灘頭城郭雖非路長在過者倉卒難淹留驛山碧鳥
無主鷗鳶作巢滿松樹行人莫指杏花春酒樓蕭條空
門黃塵滾滾風浩浩請君暫閱西昌道

泰和縣志

卷四十一

藝文詩

十一

題泰和普覺寺壁上畫水

解縉

曾生畫水真是水乍見即有風雲隨神閒意靜看漸遠以
手摩拂生驚疑曾生泰和人表字字同可浙江橋頭坐幾
年彭蠡浪分花朵朵歸來却掃青屏壁寶藏四圍驚霹靂
蒼茫霧雨散不收白龍捲水當夏日始知曾生古來少我
聞寶藏聲粼粼一夜不眠難向晨并刀欲翦且未翦怕有
仲尼來問津

題蕭編修南溪草亭圖

王直

故鄉迢遞七千里最憶南溪好山水一別蹉跎二十秋日
夕瞻望心未已武山突兀凌昊蒼向西遙對鼓樓岡羣峰
逶迤抱幽谷虎豹騰躍蛟龍翔君家溪上往來久溪水清

中嗚吁嗟林生精藝有如此座客見之誰不喜洞庭湘渚
在眼前暝色慘淡涼颼起方今聖主覃恩波四方山澤無
虞羅悠悠羣鷺各自適雖有鷹鷂奈爾何

快閣引

李夢陽

四月月圓登快閣天半晚牕雷雨入邑中上客攜酒至歐
陽羅子咸來集去年為閣初築臺我時登之雷雨來神明
似有兩歲約晴霧歛值千山開千山迴轉江中流徙倚闌
干增暮愁夕日下看衡嶽破波濤左顧佳廬浮苦思昨年
生盜賊大江南接江之北烽火遙連海岱紅殺雲眼見鄱
陽黑斯邑洶洶今始安我今對酒能不寬諸君稍減擬移
苦百姓新回種植懼北風江湧月東來更說夙昔俱停杯
秦和縣志

卷四十

藝文

詩

十三

陰晴倉卒不自料萬事恍惚誰能猜潢池暫殄干戈釁向
隅猶抱瘡痍哀勸君置此勿復道放歌且與雲徘徊

學古樓歌

羅欽順

屈指今年四十五一事無成心獨苦北斗那得把酒漿東
風正好親農圃家住西岡地頗幽門前屋後多平疇一溪
流水去無路四面青山來入樓樓名學古浪標榜古人實
學今誰講旦暮春秋奉起居時時靜坐聊存養此心存久
還自靈中和無物如有形幾微極處通天地呼吸之間具
典型平生謾抱區區志途長力薄愁難致荏苒如今作棄
材悠悠宇宙非吾事學成假使遂行之要見黎民飽煖時
可能學古樓中坐妻子啼號付不知以茲農圃端須學黃

牯價平添一脚且種山田且讀書菜羹滿釜渾家樂

尹節婦詞

龍子昂

君不見桃李花紅艷灼灼勝綺霞那堪一夜風雨惡枝頭
落盡委泥沙又不見郊原草王孫曾道春光好西風一葉
下梧桐黃悴漸漸盡如掃獨有渭川青青色四時孤高抱
奇節豈但清風消煩暑尚多綠葉傲冰雪月下隱見鳳凰
羽箨龍頭角真烈烈莫嫌寂寞蕭疎久會見凌雲梢轆轤
尹家節婦信如此青年誓死至白髮不獨綵服今有子又
見賢孫聰明絕竚看他日陳情表榮捧瑤章下鳳闕

捕蝗歌

楊 稹

捕蝗捕蝗日當午東村捕到西村去大家小戶不敢停豈

秦和縣志

卷四十

藝文 詩

十四

惜丁男并幼女官家文字如流星蔽野蝗虫亦如霧今日
打明日捕蝗日滋兮民日苦德政修崇民害祛曾說中年
好明府仰吞一蝗還誓天猶載唐家太宗語大江之北昔
多蝗誰信江南遽如許嗚呼民害豈獨蝗亦有虐政猛於
虎

風俗

譚 昇

秦和自昔稱忠義風俗近來亦少異縣庭詞訟日紛然十
有六七告墳墓東家墳地被暗侵西家墳地遭強爭崇韜
拜哭事常有元豫劫伐風盛行無識小人固無理讀書士
夫亦如此恃權怙勢撓官司僕忝縣令能不恥吾聞富貴
皆天生勸爾達理休妄行彼人懦善可欺得祇恐天道難

為情

題曾氏連理木

闕名

后皇嘉樹生譎佹四衢五衢合一軌德澤純洽八方一乘
木而王固如此大明香琴橘貞觀玉華李一時圖畫傳奇
觀榮華過眼轉丸易惟有武城宅前樹不知何年已連理
從來縣官不以聞武城子孫世專美人言協氣薰嘉生此
家孝友陶協氣朱門多少鎖喬木百年瞬息滋一喟焉得
鼎鼎為輪囷受命不遷相曾氏傳聞此木更八世方遇麻
陽大夫記麻陽誠齋又幾年却入青螺地與志比來徹當
路表名連瑞里有日捧圖上嘉禾靈草共青史物生隱顯
殆有時展如之人亦應爾梗楠杞梓離奇生繼此廬陵城
泰和縣志 卷四十 藝文 詩 十五
北不止稱三瑞

蕭孟昉初營滕寓予適來客賦二百四十二字

魏禧

研隣先生天下豪千金萬金比鴻毛眼底每嫌五湖窄胸
中時有五嶽高能於城市生邱壑一泉一石隨意作到處
敗場與童山青林一夕蔭高閣春浮遯圃不稱心研隣窈
窕殊晴陰兵火歸來頗荒落隔江暫住梅檀林圖書滿架
竹滿寺叉手閒行聊適意望江欲起白玉樓從僧更乞金
沙地杵聲不絕馬亂啼清風天外來故知一別八年還相
見君尚黑鬚我白髭謂我曲闌種芍藥修廊斜帶池心閣
欲識前山高未高自上梅梢俯寥廓大江漭蕩小溪清晴

林隱隱見層城更結幽房二三個春蘭秋菊間茅亭萬馬
渡江日不止晝閒且自攤書史古之達人良有言何用為
樂心所喜

五言律

於白下驛錢唐少府詩

王勃

下驛窮交日昌亭旅食年相知何用早懷抱即依然浦樓
低晚照鄉路隔風煙去去知何道長安在日邊

送葛源之太和主簿

穆修

勿嘆從卑位聊欣適去情秋風九月急飛鳥一帆輕
江鱗活杯嘗楚釀清繁華莫回首寵辱正堪驚

社日奉寄君庸主簿

黃庭堅

泰和縣志

卷四十

藝文詩

十六

花發社公兩陰寒殊未開初聞燕子語似報玉人來遮眼
促書冊挑龔欺酒盃傳聲習主簿勤為撥春醅
侯尉之吉水覆按未歸三日泥雨戲成寄之

黃庭堅

歎息侯羸老尉曹鞍馬疲山花迷部曲江雨壓旌旗越鳥
勸沽酒竹雞憂蹋泥不知何處醉遙寄解醒詩

將母赴贛道西昌

文天祥

重來鷗閣曉帆影漲新晴倚檻雲來去開簾花送迎江湖
春汗漫歲月老崢嶸手把忘憂草夔夔上太清

快閣遇雨觀瀾

文天祥

一笑登臨曉江流接太虛自慚雲出岫爭訝雨隨車慷慨

十圍柳周回千里魚故園堤好在夜夢繞吾廬

快閣春望次王子啟

劉崧

使者徵兵去居民避地回南風猶鼓角北岸自樓臺白水
晴雲動青山暮雨來百年舊城郭臨眺獨興哀

題陽靈洞

劉崧

仙宇何年闢靈泉盡日聞石門通別殿木棧倚高雲鸞鳳
時來下獼猴近作羣春風城郭暮煙霧正紛紛

過龍灣五王閣訪友人不遇

劉崧

野橋秋木落江閣暝煙微白日又欲午高人猶未歸青林
依石墻虛館淨柴扉坐久思題字翻憐柿葉稀

玉華山

劉崧

泰和縣志

卷四十一

藝文詩

十七

翠嶽千峰合丹崖一逕通樓臺上雲氣草木動天風野曠
行人外江平落鴈中傷心俯城郭煙雨正溟濛

小莊道中

王沂

客路千崖裏春風二月中虎蹄荒逕少鶯語故鄉同澗水
縈迴綠山花自在紅物華空滿眼去意只怱怱

雲峰寺次劉子高韻

蕭執

初陽陟層嶽松徑劃然開涼飈動嘉樹飛瀑吼晴雷避俗
僧初定看山客正來兒童披短褐顛倒掃莓苔

聞道

陳謨

聞道潼關下黃流似海深由來天設險過者日傷心漢殿
芝房冷唐陵玉甃沉不應有佳氣鬱鬱尚如今

入閩

蕭岐

自入閩中道偏諳物外情
田從山上種船向石稜行
海味空多族榕根盡倒生
連城公館好驛使遠相迎

望武山佑仙觀

周是修

天上神仙府人間道德門
水分千澗遠山拱一州
尊松鶴忘寒暑雷龍警旦昏
何時登絕頂瀟灑望乾坤

秋日贈別西溪故友

周是修

一劍南遊慣山行秋始涼
草枯泉脈見樹合嶺形長
去馬衝殘雨歸鴉背夕陽
臨岐更何語涕淚在衣裳

山居

周是修

幽居隱薜蘿誰問夜如何
風定雲昏斗星稀月渡河
征鴻泰和縣志卷四十一藝文詩十八
聞去遠落葉坐來多見說
邊庭士防秋尚擁戈

幽居晚雨

周是修

一戶通幽徑依依敞竹間
亂雲低白晝疎雨濕黃昏
犬吠當林屋鴉歸隔水村
呼兒供棗栗獨自酌芳樽

和畦樂詩四首

高棟

梁鴻身不仕白首秬閒居
簪紱心無繫邱園樂有餘
青山長繞屋流水自通渠
不鄙樊生學時看稷氏書
疎籬通野水曲徑入墟煙
昨夜東風過春光滿眼前
晚菘擎羽扇寒橘耀金圓
共遂生成意應全草木年
生涯安有分心事澹無營
隙地存耕在長畦涉趣成
帶經高士至抱甕丈人行
共話茅簷夕山尊待月傾

顏巷一簞貧陶門五柳春昔賢懷世器今我樂天民柳暗春踰夏烏啼夜向晨清山看不厭白髮幾回新

合州寫懷

梁潛

忘却儒官冷誰為蜀道吟一身猶長物萬事豈關心水鳥窺魚立山雲帶雨沉人生聊適意莫受旅愁侵

秋夜有懷

梁混

碧樹生寒早虛窻貯月深鳴蛩先近枕驚鳥數喧林茵接懷雙壁囊空恥一金不眠清夜永勞想為知心

遊尊勝寺簡畧師

梁混

四境人烟迥禪宮一逕遙架橋通窈窕飛閣歷岩堯日暮黃雲合秋高碧樹凋遠公真靜者塵外數相招

恭和縣志

卷四十

藝文詩

十九

答黃宗載

楊士奇

又是三年別新來百感增薰蕕安可問枘鑿苦難勝白髮落垂盡青山歸未能故人贈佳句擬報玉壺冰

宿平陸村

蕭翀

昔年曾此宿今日是重遊兵後人煙少村中草樹稠霧開螢照夜月霽鴈鳴秋明發前途去逢人問鎮州

月下對酒

王直

萬里浮雲盡孤城畫角殘月從今夜滿人在異鄉看隱隱關山遠淒淒風露寒客愁誰為減應賴酒杯寬

得凡行敏書知在臨清將北上

王直

嶺外三年別天涯萬里廻書從今日到船向幾時開落日

關山遠清秋鴻雁來重陽看漸近同醉菊花杯

雨

王直

野迥雲容黑江長雨氣寒春隨花片減愁向酒杯寬亂水
通流急孤舟逆上難白鷗渾自得來往任風湍

滄洲

王直

贛水緣南趾文溪繞北涯分流通曲渚滙合漲平沙豈但
千頭橘還宜五色瓜人生貴自適老至欲移家

省親詩贈郭紹容

陳循

憶別嚴親久今朝定省遊滿斟桑落盞穩駕木蘭舟燕語
東風暖鶯啼綠樹稠倚門親望久去去莫遲留

白鷺病阻

龍嘉柱

承和縣志

卷四十

藝文詩

二十

重到知何日空思秋水水平風吹煙雨散雲帶鷺鷥輕逸興
無今昔闕愁有死生衰殘寧不達獨坐一生情

花石潭

尹直

去縣東踰舍巡司扼兩河鹽沙堆白渚花石蘸清波風動
金鱗躍星馳綵鷁過幾回經宿處擊節和漁歌

何孝子廬墓聞而有作

羅欽順

風雨青山夜苦寒病骨臞精誠驅魍魎嚴衛伏於菟報德
心何極旌門詔有孚孝經餘斷簡長此奉訏謨

示允迪允恕二弟

羅欽順

非引勿登樓

樓居嫌間雜人來往以此五字榜樓高近斗於梯邊二弟以避嫌遂少見過也

牛俗人那得溷同氣合相求至樂存書卷餘歡付酒甌此

心渾不妄溪上有羣鷗

同允恕弟遊金魚別業次韻

羅欽順

夜榻幾論心村莊更一臨作樓偏得景栽竹漸成陰帆駛
風初正尊殘日未沉坐聞哦五字憂思覺同深

閉閣屢校二首之一

劉魁

自是足容重因而屢校加咸腓宜有戒艮趾定為嘉岐路
何須泣窮途不用嗟毫釐千里謬從此保無差

誕日有感二首

劉魁

獨憐萬里外猶幸此身存父母當年愛蘋蘩何處尋疎狂
新罪案乳哺舊啼痕罔極真難報雲山欲斷魂

罪戾寧無禁恩還未有期久違桑梓敬深愧蓼莪詩此地

泰和縣志

卷四十一

藝文詩

二十一

逢生日何年是死時悠悠天地恨種種鬢毛絲

上十八灘

王思

春雨欲平岸灘灘無急流傳聞常畏險坐看欲消憂豈意
馳驅地仍為汗漫遊鬱孤臺突起疑是望鄉樓

龍洲讀書

胡直

窈窕繁花路清虛野甸居漸為逃世客懶答貴人書水閣
依鷗鳥塵編養蠹魚日尋垂釣侶長在月明初

按明詩綜為劉魁詩高虛作清虛養蠹魚作任蠹魚

觀山寺

胡直

頗識浮生幻幽尋不記踪地同離垢國人在妙高峰雲起
移前嶂窗虛答暮鐘還臨泉穴坐清韻起蟠龍

觀山曉日

郭子章

朝日上嶙峋觀山景更新旭光籠石角曉氣熨江津竹瀉
深巖露松勻疊嶺春累累先塚在藉甚作比隣

舟中

郭子章

三春滯水濱魚鳥狎成羣江濁流新雨山晴欹薄雲村春
幽澗惡岬草夕陽薰何處城頭角偏令倦客聞

客愁

蕭士瑋

不待秋風起思鄉念已生髮愁今夜白月好故園明孤客
人千里荒城鼓二更停燈沽濁酒屈指數遊程

陶湖

蕭士瑋

傍竹宜通徑因湖早着船多栽夾岸樹好帶近村烟鳥慣
泰和縣志

卷四十一

藝文詩

二十二

雲中路魚翻水底天春浮吾舊築與爾幸相連

泛舟龍溪

李有先

景物怡園盛登臨興頗娛雲晴山易白霜降樹如珠徑仄
惟馴鶴林疎不宿烏汾陽佳句在高調和人無

逍遙洞

在武岡之洞口

方以智

天地一時小惟餘谷口寬名山藏日月野老剩衣冠石向
何人語春知此歲寒幾家煙火在題作鹿門看

寄首山中干

吳偉業

妙高峰頂天從來象外懸不知三月雨會補幾湖烟爾可
收衡茗吾當寄惠泉青原師笑否此句已流傳

遊研隣却贈二首

魏禧

名賢供客玩因見主人賢曲折情相引參差斷復連盤廊
花映石複閣水如天坐此可忘日一年當兩年
蜿蜒紛麗藻不信亂離時面面轉相向踈踈更自宜接談
無俗韻為樂有如期獨笑閒遊客開船只恐遲

五言排律

太和奉呈吉老縣丞

黃庭堅

山擁鳩民縣江橫決事廳士風尊健訟吏道要繁刑觥觥
今無種蒲盧教未形里多齊暱氏材謝宋庖丁令尹三年
課斯人萬物靈吾方師豈弟僚友助丹青

挽陳海桑

梁 混

鄉邑推名教先生屬典刑道承前烈矩學殖後昆型立志

泰和縣志

卷四十

藝文 詩

二十三

希濂洛研精續考亭源傾趨峽水色煥麗天星寵召辭丹
陛休歸掩素帟罷吟司馬賦闕授伏生經來者崇師說聞
之慕德馨科場三較藝彛鼎屢徵銘鈎贖仍忘倦張皇亦
靡停渥殊遭聖代福俯享遐齡會侍春風座嘗陪暮雪庭
徒勤瞻北斗未獲徙南溟晚辱招呼數時欣候問寧直期
姻好在詎意考終丁和氣奚由接嘉言豈復聆芝蘭空雨
露桃李自郊垌遺帙棲芸閣殘詩寄紙屏居人悲哽咽過
客走伶俜行不虧家乘名應托汗青心喪古有制援筆涕
交零

題環秀山房

梁 潛

聞說幽居好青山四面看遠村如栗里深谷擬王官芍藥

開新塢芙蓉滿舊灣水聲晴作雨嵐氣夏生寒傍澗還栽
竹開畦更藝蘭池荷堪製佩園籜可栽冠載酒邀人飲攜
琴掃石彈閒情長自遣世慮不相干鶴唳青邱外猿啼綠
樹端何由過玉筍清論罄交歡

遊觀山

羅璟

訪族春初盡尋幽日未曛遺蹤分探索奇遇共招呼牛乳
江聲遠蛙鳴泉竅枯有巖藏收豎無地着浮屠亂石勾行
袂支流隱去途竹搖青葆合草長翠茵鋪泥濕飛晴燕橋
危立暝烏牛閑眠小逕雉舉出高廬劫火嗟前代傳燈散
佛徒野蛟奔處險山鬼嘯時孤雅句留山谷清狂憶鑑湖
浪遊真落魄勝築久模糊松古宜巢鶴窠空訝穴狐懸崖
泰和縣志 卷四十 藝文 詩 二十四
棲鶻子方沼泛鳧雛一水橫腰帶羣峰列背圖越臺猶掩
映陣壘已荒蕪嶺峻雲常繞渠深田故腴路長歸驥裹天
晚怯於菟拂水新栽稻沿溪漸長蒲棚頭鳴閣閣滕伴響
嗚嗚儘可供詩料何當問酒壚吟豪頻索和醉健不須扶
質樸惟宗老謳歌仰帝虞不曾愁戚戚偏解樂于于翠柏
庭前植清泉澗底軒迴思簪紱累便欲伴桑榆

龍洲佳會

劉鴻

出門乘浩興覽勝得清幽山迥天垂野烟消地湧漚竹林
遙見寺樹色靜涵秋寶地開金像行厨洗玉舟清風生四
座好景入雙眸袅娜江邊柳浮沉水面鷗素懷真得得物
理自頭頭文苑祥威鳳詩壇起絳虬高歌聞絕響借著作

前籌美玉開雲種明珠入海求壯圖闢世運靈識待人酬
仙桂春濃在重煩月斧修

泰和縣志卷四十終

泰和縣志

卷四十

藝文

詩

二十五